

**არასამეწარმეო (არაკომერციული) იურიდიული პირის  
რაგბის კლუბი „ფოთი“ წესდება**

**სადამფუძნებლო დოკუმენტი  
(არასამეწარმეო (არაკომერციული) იურიდიული პირის)**

**მუხლი 1.  
ზოგადი დებულებები**

1. არასამეწარმეო (არაკომერციული) იურიდიული პირი **რაგბის კლუბი „ფოთი“** (შემდგომში ტექსტში საზოგადოება) წარმოადგენს საქართველოს სამოქალაქო კოდექსის შესაბამისად შექმნილ არასამეწარმეო (არაკომერციულ) იურიდიულ პირს.
2. სუბიექტი წარმოშობილად ითვლება მეწარმეთა და არასამეწარმეო (არაკომერციული) იურიდიული პირების რეესტრში რეგისტრაციის მომენტიდან.
3. საზოგადოების სახელწოდება: არასამეწარმეო (არაკომერციული) იურიდიული პირი **რაგბის კლუბი „ფოთი“**.
4. სამართლებრივი ფორმა: არასამეწარმეო (არაკომერციული) იურიდიული პირი.  
იურიდიული მისამართი : ქალაქ ფოთის მუნიციპალიტეტი, წმინდა ნინოს ქ.N4  
ელექტრონული ფოსტა: **Ragbiskola@gmail.com**.
5. არასამეწარმეო (არაკომერციული) იურიდიული პირი, ხელმძღვანელობისა და წარმომადგენლობითი უფლებამოსილების მქონე პირის მდგომარეობისაგან დამოუკიდებელია. არასამეწარმეო (არაკომერციული) იურიდიული პირის პასუხისმგებლობა შემოიფარგლება მისი ქონებით. არასამეწარმეო (არაკომერციული) იურიდიული პირის ვალდებულებებისათვის მისი ხელმძღვანელობისა და წარმომადგენლობითი უფლებამოსილების მქონე პირები პასუხს არ აგებენ. ასევე არ აგებს პასუხს არასამეწარმეო (არაკომერციული) იურიდიული პირი თავისი ხელმძღვანელობისა და წარმომადგენლობითი უფლებამოსილების მქონე პირების ვალდებულებებისათვის.

**მუხლი 2. საზოგადოების ძირითადი მიზნები და საქმიანობის საგანი**

1. საზოგადოების ძირითადი მიზნები და ამოცანებია:
  - ა) რაგბის პოპულარიზაცია და განვითარება ქალაქ ფოთის მუნიციპალიტეტში.
  - ბ) ბავშვთა და მოზარდთა მაქსიმალური რაოდენობის ჩაბმა სისტემატიურ სპორტულ - გამაჯანსაღებელ მოძრაობაში, საზოგადოების პროფილის შესაბამისად მათი მეთოდური აღზრდა და დაოსტატება.
  - გ) საზოგადოების მოსწავლეთათვის (სპორტსმენთათვის), ქალაქის და ეროვნული ნაკრები გუნდების, კლუბის წევრებისათვის მატერიალურ-ტექნიკური, საწვრთნელი ბაზის შექმნა, სამედიცინო-დიაგნოსტიკური, სპორტულ-გამაჯანსაღებელი პროფესიის ორგანიზება.
  - დ) გუნდების ჩამოყალიბება და რაგბის მოყვარულთა და გულშემატკივართა კლუბის შექმნა.
  - ე) საზოგადოების მიერ შექმნილი გუნდებისა და კლუბის სპორტული მოღვაწეობის გაუმჯობესებისათვის ზრუნვა;
  - ვ) საქართველოს რაგბის კავშირის, სხვადასხვა ორგანიზაციების მიერ ორგანიზებულ შეჯიბრებებში მონაწილეობის მიღება.
  - ზ) ყველა სხვა საქმიანობა, რაც არ არის აკრძალული არასამეწარმეო (არაკომერციული) იურიდიული პირებისათვის.
2. არასამეწარმეო (არაკომერციული) იურიდიული პირი უფლებამოსილია ეწეოდეს დამხმარე ხასიათის სამეწარმეო საქმიანობას, რომლიდან მიღებული მოგებაც უნდა მოხმარდეს არასამეწარმეო (არაკომერციული) იურიდიული პირის მიზნების რეალიზებას. ასეთი საქმიანობის შედეგად მიღებული მოგების განაწილება არასამეწარმეო (არაკომერციული) იურიდიული პირის

დამფუძნებელს, წევრებს, შემომწირველებს, აგრეთვე ხელმძღვანელობისა და წარმომადგენლობითი უფლებამოსილების მქონე პირებს შორის დაუშვებელია.

3. არასამეწარმეო (არაკომერციული) იურიდიული პირის საკუთრებაში არსებული ქონების გასხვისება შესაძლებელია კანონმდებლობით დადგენილი წესით, თუ გასხვისება ემსახურება არასამეწარმეო (არაკომერციული) იურიდიული პირის საქმიანობას, მის ორგანიზაციულ განვითარებას, ხელს უწყობს მისი მიზნების განხორციელებას ან ემსახურება საქველმოქმედო მიზნებს.

### მუხლი 3. საზოგადოების დამფუძნებელი

საზოგადოების დამფუძნებელი არის საჯარო სამართლის იურიდიული პირი - ქალაქ ფოთის მუნიციპალიტეტი (საიდენტიკიფიკაციო კოდი 215138143, თვითმმართველი ერთეულების რეესტრში რეგისტრაციის თარიღი 04.12.2006 წელი, მისამართი საქართველო, ქალაქ ფოთის მუნიციპალიტეტი, დავით აღმაშენებლის ქუჩა N12. ქალაქის ფოთის მუნიციპალიტეტის მერიის ხელმძღვანელია - ქალაქის ფოთის მუნიციპალიტეტის მერი ბექა ვაჭარაძე მისამართი: ქალაქი ფოთი, წმინდა გიორგის ქ.N42 ).

### მუხლი 4. საზოგადოების სტრუქტურა

1. საზოგადოების სტრუქტურა შედგება:

დირექტორი;  
ადმინისტრაცია;  
განყოფილებები;  
რაგბის გუნდი და კლუბი;  
ქომაგთა კლუბი.

2. საზოგადოების დირექტორის ბრძანებით შეიძლება შეიქმნას რაგბის გუნდი და კლუბი, რომელიც მონაწილეობას მიიღებს სხვადასხვა სახის შეჯიბრში, ტურნირში, ჩემპიონატში და სხვა. კლუბის ან გუნდის წევრებთან, საჭიროების შემთხვევაში შესაძლებელია გაფორმდეს შრომითი ხელშეკრულებები.

საზოგადოების ადმინისტრაცია, განყოფილებები, რაგბის კლუბი, გუნდი არ არის იურიდიული პირი ან ფილიალი, ისინი წარმოადგენენ საზოგადოების სტრუქტურას.

### მუხლი 5. ორგანიზაციის საქმიანობა რომელიც საჭიროებს თანხმობას

1. ორგანიზაციას მერის თანხმობით, საქართველოს კანონმდებლობით დადგენილი წესით შეუძლია განახორციელოს შემდეგი ქმედებები:

- ა) უძრავი ქონების შემენა, გასხვისება და დატვირთვა;
  - ბ) სესხის აღება;
  - გ) სარგებლობის უფლებით მიღებული ქონების იჯარის ან ქირავნობის ხელშეკრულებით გადაცემა;
  - დ) თავდებობა;
  - ე) ორგანიზაციაში არსებულ ქონებასთან დაკავშირებით, სხვა გადაწყვეტილებების მიღება, თუ ისინი სცილდება ჩვეულებრივი საქმიანობის ფარგლებს.
2. ყველა გადაწყვეტილება, რომელთა მნიშვნელობა სცილდება ორგანიზაციის ჩვეულებრივ საქმიანობას, მოითხოვს მუნიციპალიტეტის მერის თანხმობას.

## **მუხლი 6. საზოგადოების ხელმძღვანელობა/წარმომადგენლობა**

1. ორგანიზაციის ხელმძღვანელობისა და წარმომადგენლობის უფლება ენიჭება დირექტორს, რომელსაც საქართველოს ორგანული კანონის „საქართველოს სამოქალაქო კოდექსის“, საქართველოს ორგანული კანონის „ადგილობრივი თვითმმართველობის კოდექსის“ შესაბამისად, თანამდებობაზე ნიშნავს და ათავისუფლებს მერი. მის მიმართ იღებს დისციპლინარულ და წამახალისებელ ზომებს.

### **2. დირექტორი:**

ა) ორგანიზაციის საქმეებს უნდა გაუმდვეს კეთილსინდისიერად ამ წესდებისა და მოქმედი კანონმდებლობის შესაბამისად, თუ ის ჯეროვნად არ შესარულებს აღნიშნულ მოვალეობას, პასუხს აგებს ორგანიზაციის წინაშე წარმომობილი ზიანისთვის პირადად, საქართველოში მოქმედი კანონმდებლობის შესაბამისად;

ბ) პასუხს აგებს ორგანიზაციის საქმიანობაზე;

გ) მერთან შეთანხებით ამტკიცებს საშტატო ნუსხას, სახელფასო ფონდსა და მუშაკთა სახელფასო განაკვეთებს, მოქმედი სამართლებრივი აქტების შესაბამისად;

დ) დადგენილი წესით ხსნის საბანკო ანგარიშს საბანკო დაწესებულებებში;

ე) კანონმდებლობის შესაბამისად განაგებს ფინანსურ და მატერიალურ საშუალებებს;

ვ) საქართველოს ორგანული კანონის „საქართველოს შრომის კოდექსის“ შესაბამისად ნიშნავს (დებს შრომით ხელშეკრულებებს) და ათავისუფლებს ორგანიზაციის თანამშრომლებს, მათ მიმართ იღებს დისციპლინარულ და წამახალისებელ ზომებს;

ზ) კომპეტენციის ფარგლებში გამოსცემს ინდივიდუალურ-ადმინისტრაციულ სამართლებრივ აქტს ბრძანებას, ამტკიცებს ორგანიზაციის შინაგანაწესს, სამუშაო გეგმებს, აკონტროლებს მათ შესრულებას; კანონის შესაბამისად ახორციელებს მისი ფუნქციონირებისათვის აუცილებელ, მოქმედი კანონმდებლობით ნებადართულ სხვა საქმიანობას;

თ) გასცემს მინდობილობებს, დებს ხელშეკრულებებს ფიზიკურ და იურიდიულ პირებთან;

ი) წელიწადში ორჯერ (აგრეთვე მოთხოვნის საფუძველზე) გაწეული მუშაობის შესახებ ანგარიშს წარუდგენს მუნიციპალიტეტის მერს;

კ) ახორციელებს კანონმდებლობითა და ამ წესდებით განსაზღვრულ სხვა უფლებამოსილებებს.

3. ხელმძღვანელობის უფლება გულისხმობს უფლებამოსილების ფარგლებში ორგანიზაციის სახელით გადაწყვეტილებების მიღების უფლებას.

4. დირექტორი უფლებამოსილია მინდობილობის გარეშე დამოუკიდებლად იმოქმედოს ორგანიზაციის სახელით და წარმოადგინოს ორგანიზაცია მესამე პირთან ურთიერთობაში.

5. დირექტორის ხელმძღვანელობითი და წარმომადგენლობითი უფლებამოსილება შესაძლებელია შეიზღუდოს მუნიციპალიტეტის მერის გადაწყვეტილებით.

6. ხელმძღვანელობითი უფლებამოსილების მქონე პირებს არა აქვთ უფლება, მუნიციპალიტეტის მერის თანხმობის გარეშე განახორციელონ იგივე საქმიანობა, რომელსაც ეწევა ორგანიზაცია, ან მონაწილეობა მიიღონ მსგავსი ტიპის სხვა ორგანიზაციაში, როგორც პერსონალურად პასუხისმგებელმა პარტნიორმა ან დირექტორმა.

7. დირექტორს უფლება არა აქვს პირადი საარგებლის მიღების მიზნით გამოიყენოს ორგანიზაციის საქმიანობასთან დაკავშირებული ინფორმაცია, რომელიც მისთვის ცნობილი გახდა თავისი მოვალეობის შესრულებების ან თანამდებობრივი მდგომარეობის გამო.

8. ორგანიზაციის საქმიანობის:

ა) საერთო ხელმძღვანელობას ახორციელებს მერი;

ბ) კოორდინაციას მერი ახორციელებს მუნიციპალიტეტის მერის შესაბამისი დარგობრივი სამსახურის მეშვეობით.

9. ორგანიზაციის დირექტორის არყოფნის, მის მიერ უფლებამოსილებათა განხორციელების შეუძლებლობის შემთხვევაში ან თანამდებობიდან მისი გადადგომისას, აგრეთვე დირექტორის დავალების საფუძველზე დირექტორის მოვალეობას ასრულებს მოადგილე. თუ დირექტორს არ ჰყავს მოადგილე ან მოადგილის მიერ უფლებამოსილებათა განხორციელების შეუძლებლობისას დირექტორის დავალებით მოვალეობას ასრულებს ორგანიზაციის ერთ-ერთი თანამშრომელი.

თუ დირექტორიც და მოადგილეც მოკლებულია უფლებამოსილების განხორციელების შესაძლებლობას, ასეთ შემთხვევაში დირექტორის მოვალეობის შემსრულებელს ნიშნავს მუნიციპალიტეტის მერი. დირექტორი შეებულებაში გადის მერთან შეთანხმების, დირექტორის ბრძანებით.

#### მუხლი 7.

#### ორგანიზაციის შემოსავლები (ფინანსური სახსრები)

1. ორგანიზაციის და ფინანსების წყარო შეიძლება იყოს:

- ა) ქალაქ ფოთის მუნიციპალიტეტის ბიუჯეტიდან გამოყოფილი (სუბსიდიის სახით მიღებული) მიზნობრივი თანხები;
  - ბ) გრანტები და შემოწირულობების სახით მიღებული შემოსავალი;
  - გ) დამხმარე ხასიათის სამეწარმეო საქმიანობიდან მიღებული მოგება;
  - დ) საქართველოს კანონმდებლობით წებადართული სხვა შემოსავალი.
- 2.ამ მუხლის პირველ პუნქტში ჩამოთვლილი ფინანსური სახსრები გამოიყენება მხოლოდ ორგანიზაციის წესდებით განსაზღვრული მიზნებისა და ამოცანების განსახორციელებლად.

#### მუხლი 8.

#### ორგანიზაციის ქონება

ორგანიზაციას უფლებამოსილების განხორციელების მიზნით, სარგებლობის უფლებით შეიძლება გადაეცეს მუნიციპალიტეტის ქონება.

#### მუხლი 9.

#### ორგანიზაციის საქმიანობის აღრიცხვა-ანგარიშგება

ორგანიზაცია ვალდებულია საქართველოს კანონმდებლობით დადგენილი წესით აწარმოოს საფინანსო-ეკონომიკური საქმიანობის აღრიცხვა-ანგარიშგება, შეადგინოს ბალანსი და დადგენილ ვადაში წარუდგინოს იგი დასამტკიცებლად მერს მუნიციპალიტეტის ბიუჯეტში ასახვის მიზნით.

#### მუხლი 10.

#### ორგანიზაციის კონტროლი

1. ორგანიზაციის:

- ა) საქმიანობა ექვემდებარება კონტროლს, რაც გულისხმობს განხორციელებული საქმიანობის კანონიერების, მიზანშეწონილობის და საფინანსო-ეკონომიკური საქმიანობის ზედამხედველობას;
  - ბ) კონტროლს ახორციელებს ქალაქ ფოთის მუნიციპალიტეტის მერი, შიდა აუდიტის სამსახურის მეშვეობით;
  - გ) დირექტორი უფლებამოსილია კანონმდებლობით დადგენილი წესის თანახმად გაასაჩივროს მაკონტროლებელი ორგანოს ქმედება.
3. მერი უფლებამოსილია შეაჩეროს ან გააუქმოს ორგანიზაციის არამართლზომიერი გადაწყვეტილება.

#### მუხლი 11.

#### ორგანიზაციის რეორგანიზაციადა ლიკვიდაცია

1. ორგანიზაციის რეორგანიზაცია და ლიკვიდაცია ხდება მერის გადაწყვეტილებით მუნიციპალიტეტის საკრებულოს თანხმობით, საქართველოს კანონმდებლობით დადგენილი წესით.

2. ლიკვიდაციის შედეგად დარჩენილი ქონება გადანაწილდება საქართველოს კანონმდებლობის შესაბამისად.

**მუხლი 12.**  
**წესდებაში ცვლილებების შეტანა**

წესდებაში ცვლილებების შეტანა ხორციელდება მუნიციპალიტეტის მერის მიერ საქართველოს კანონმდებლობით დადგენილი წესით.

**მუხლი 13.**  
**დასკვნითი დებულებები**

1. წინამდებარე წესდება ძალაში შედის ხელმოწერის მომენტიდან.
2. თუ ამ წესდების რომელიმე მუხლი ბათილად იქნა ცნობილი, ეს გავლენას არ მოახდენს წესდების სხვა მუხლების ნამდვილობაზე.
3. ამ წესდების დამტკიცება, გაუქმება ან მასში ცვლილების შეტანა ხორციელდება მოქმედი კანონმდებლობის შესაბამისად.

ქალაქ ფოთის მუნიციპალიტეტის მერი



ბექა ვაჭარაძე